



Preslušani razgovori između sutkinje i svjedoka S1 i S2

Azra Miletić uporno tražila obećani novac

Inspektori **SIPA-e** kamerom su snimili kada je Miletić izašla iz zgrade u kojoj stanuje ključni svjedok S2, nakon čega je otišla na sastanak s advokatom Vladom Adamovićem

Preslušavanjem tonskih zapisa presretnutih telefonskih razgovora između ključnih svjedoka S1 i S2 i Azre Miletić jučer je u Sudu BiH nastavljeno suđenje ovoj sutkinji kojoj se na teret stavlja da je od optuženih Senada Šabića i Rame Brkića primila mito kako bi ih oslobodila krvinje ili im izrekla minimalnu kaznu u postupku koji se protiv njih vodio zbog trgovine drogom.

Tužilac Džermin Pašić pojasnio je kako Tužilaštvo ovim zapisima dokazuje da je Miletić vršila pritisak na svjedoke, inače posrednike između nje, Brkića i Šabića, da joj se konačno isplati novac.

Oni su joj obećali isplatiti 100.000 maraka koji joj je, prema tvrdnji Tužilaštva, trebao da bi otplatila svoj stan u Tuzli.

Miletić je, kako su zabilježili istražitelji, uporno pozivala S1 kako bi saznala kada će dobiti novac, ali se on nije javljao. Slala mu je i poruke, a nakon čitavog niza neostvarenih poziva, S1 se ipak javio na telefon i kazao joj

Miletić je S1 poslala poruku: „Sram te bilo, ovako nešto da meni prirediš. Obećavaš stvari koje nisi u stanju ispuniti. Praviš kretena od mene... prijateljica“



AZRA MILETIĆ: Optužena za primanje mita

da je bolestan, te kako će se s njom naći svjedok S2 i sve joj pojasniti. Međutim, susrete je izbjegavao i S2.

Shvativši to, sutkinja Miletić je ponovo pozvala S2 i veoma otvoreno govorila o slučaju kazavši kako joj se sve oteglilo i kako joj je samo bitno da zna da li je to završeno ili nije. Konkretan odgovor nije dobila.

Tokom jednog telefonskog razgovora sa S2, sutkinja mu govori:

-Ne javlja mi se on, ne mogu

da ga dobijem. Da li on to bježi od mene? Niko ga nije vukao za rukav ni tražio da uradi nešto ako to nije u stanju. Ovakvo neodgovorno ponašanje je strašno, mjesec me vuče za nos, moram da ga zovem sa drugih brojeva. Lažete me i petljate, izgubila sam dragocjeno vrijeme, mogla sam nešto drugo poduzeti. Sad ispađe da ja lažem ljude - kazala je Miletić u žustrom govoru svjedoku S2 dok je ovaj nastojao da opravda ponašanje S1.

Nakon ovog razgovora,

Miletić je S1 poslala poruku: „Sram te bilo, ovako nešto da meni prirediš. Obećavaš stvari koje nisi u stanju ispuniti. Praviš kretena od mene... prijateljica“.

Ubrzo potom Miletić je saznala da je prisluškujju pa je tim povodom zabilježen i njen poziv advokatu Vladi Adamoviću, te dogovaranje sastanka.

Pripadnici **SIPA-e** su zabilježili kamerom kako je tada Miletić izašla iz zgrade u kojoj stanuje S2 i otišla na sastanak s advokatom.

E. F.